


南食郷土志

辛未二月  
伯川題

地410.23

539



喬芝三先生傳

先生諱德秀字芝三別號希真子姓喬氏奉天金縣旅順口管內營城子會小磨子村人也幼失怙家奇貧賴母氏苦節撫孤得以成其名初受業於段葉唐先生之門未弱冠文名大噪鄉里長老咸器異之旋以困於境為童子師將束脩所入歸供甘旨同宗子璵聞而惋歎曰此有用才埋沒良可惜遂不時仗助俾能自力學清光緒十二年童試冠其軍逾歲既于庠厥後援例貢成均嘗自云學問者不得良師不能識塗徑不獲益友亦無以資切磋也吾受益於師友多矣故先生所交游者皆一時名士劉子和鳴盛李在彌義田王子常奎英韓席賓崑珍陳鶴泉蔭喬袁潔珊金鏡諸公與先生尤相得年五十以親老林泉小隱菽水承歡孝乎惟孝先生無媿焉日俄戰後金縣劃為日本

目錄一

租界先生憂南金文獻淪胥而無救也乃於宣統二年春獨創辦私立學堂由中日兩當局許可奉天又特頒布印章文曰金州私立小磨子公育兩等小學校蓋深嘉其以一華人能於租界內為提倡創立學校之嚆矢耳其教授及管理諸方針率取東西最新之章程則尤為各界所公許不年餘學子已百有餘人先生每顧而樂之詎事與心違未及三年以教育之關係受日本租界當局之嚴命不得已而宣布廢校矣此為先生永世之恨事先生生有俠骨大義凜然為地方公益每奮不顧身當日俄激戰中俄軍欲割農民之青苗以飼戰馬先生不畏強禦力為陳說卒得易之以青草此一方人民至今每飯不忘者也既金縣劃歸日本租界日人欲將管內瑩墓悉移於不害耕種之山麓居民同憤幾釀事端先生具詞力為陳請事乃已日人

修河套欲取土於居民之良田中亦賴先生幹旋之而中止其  
他事悉類此先生學問淵博著作等身於經則精於易邃於書  
於子則服膺道德南華二經頗能推闡奧突撰有東北要塞鑑  
古錄營城子會土地沿革概略南金鄉土志書惡堂治家規則  
鴻指三生錄女箴三藝啟蒙詩文集各若干農其所纂述以南  
金鄉土志為最南金鄉土志尤以山河海島及租借政治兩志  
為詳先生蓋摯究於輿地者有素也惜天不假年歿文遽喪以  
民國五年夏歷八月十五日卒春秋六十有八無子以兄子忠  
傳嗣論曰有清之季吾鄉以學名者汪喬兩李先生外不多觀  
惟先生力能與之伉先生夙重陽明學說以知行一致為歸所  
著書亦皆具有卓見非偏於訓詁考據者所能望其肩背或者  
謂先生南金鄉土志有近詳遠略之弊不知志者記也無子記

目錄二

闕疑焉耳矣例如欺也且數百年來未有志乘先生創始尤其  
所難若輩云云直以筵撞鐘耳夫何足與辨哉先生猶子心如  
近將以是志付印余謂心如曰少待余將傳先生於簡端因不  
自揣最其大凡以示後世之欲知先生者

民國十八年九月下浣

孫毓棠識



19673

009842

呈請誨正南金鄉土志稟

為呈送南金鄉土志草案，以備誨正事。竊以鄉土志一書，各省所屬莫不歷歷備具。惟南金於此，自來闕如。校長胞叔喬德秀

前充金州私立公育小學校名譽校長，現該校改歸旅順營城子會立小磨子村公育學校，仍充該校校長。因教授學科，有地理一門，以為愛國始於愛家，愛家自宜愛鄉。桑梓歷代之建置沿革，山水人物種種情形，情然一無所知。將眷戀顧惜之情懷，何由而起？爰於前清宣統年間，校務之餘，採摭盛京通志，調查父老見聞，及租借衙署一覽概況等書，據實考覈編集，綴以淺鮮詞意，用以開擴兒童應有之智識。惟搜采未備，難期完善。未敢遽入，隨意科目，亦未敢遽聽友人傳鈔，擬欲塵穢視聽，就正得失。第以省垣寫遠，無力專人奉上。茲借本校校章，備文代為

目錄三

呈閱，儻於初學，微有裨益。希即乘此公餘，逐一檢裁，成及筆削完竣，即將原稿繳回，以慰該校師生之翹盼。以上祈請，如蒙允俞，非惟會纂之人，幸得承教，而其所以存留南金，嘉惠後學之至德，更有令人感佩莫名者矣。謹呈

計呈 南金鄉土志二冊

西安縣縣立第一高等小學校校長喬恕傳

中華民國二年十二月八日

M 389 8

奉天西安縣知事公署訓令

令縣立第一高等小學校校長喬恕傳

本年十二月二十一日奉

省行政公署訓令第七九三號內開教育司。案呈據該縣縣立第一高等小學校校長喬恕傳呈送伊叔喬德秀編輯南金鄉土志二冊。請鑒該等情。查閱該志。條理精密。搜討亦極宏富。堪為小學校鄉土史地等科之參考書。惟間有不合時宜之處。尚須修改。准由該編輯人遵令修改。自行付印。即轉令知照。志二冊發還。此令。附發南金鄉土志二冊。等因奉此。合將金志二冊發交該長。遵令修改。自行付印。此令。附發金志二冊。  
中華民國二年十二月二十七日

縣知長 馬

目錄四

科長王昌文代簽

呈國史編纂處稟

呈為遵送南金鄉土志。以供甄錄事。竊以民國八年三月間奉天公報載

大總統設選詩社於集靈園之晚晴籜。徵求清代詩集。又簡例第九項。有除詩集以外。各省縣新舊志乘。一律徵采。四月間省長訓令。奉

鈞處函催。檢送金縣等縣志書。是發潛闡幽之心。為拾遺訂墜之舉。仰見我國家郵治之隆。中外共和且隱寓修文偃武深意。故旁搜博採。不拘資格。以鼓勵士子。日進文明。所長因念及先叔喬德秀。係前清貢生。為此運變遷。無志科名。退隱家居。以裁成後起為專務。爰於宣統年間。親辦金州私立公育兩等小學

校即充該校名譽校長。因授地理一科。觸目地方。囿於租界。瞻顧流連。而不能已。校務之餘。編集斯志。綴以淺鮮詞意。用擴兒童應有之智識。前曾呈請奉天教育司。蒙批堪為小學校鄉土史地等科之參考書。惟間有不合時宜之處。准由編輯人修改。自行付印。正擬修改間。不幸先叔逝世。後人未便重修。兼未付印。茲遇徵求盛典。復苦無我國相當之官府。為之蒐集彙呈。所長擅越謹就家藏。繕訂兩冊。備文呈送。如蒙採錄。藉以存留南金。不冀得酬。謹呈  
國史編纂處

計呈送 南金鄉土志二冊

奉天省西安縣勸學所所長喬恕傳

民國九年一月二日

目錄五

南金鄉土志登載預告

喬芝三先生遼東之通儒也。文章道德均為人所崇仰。先生因有清末葉世變日亟。乃無志功名。隱居故里。設立學校。裁成後進。暇則著書自娛。馬歿後。今已十年矣。其遺著雖有存者。然未皆公之於世。潛德幽光。無從發露。良可慨也。茲幸得先生所著之南金鄉土志一書記載。南金政俗形勝。歷史文學武事人物。戶口等項。分門別類。搜討綦詳。洵為最可珍貴之作。南金已為世界所注目之地。其鄉土情形。必為世人所欲共聞。惟苦無專書。足供考究。引為憾事。蓋比比也。先生此作。又安可秘而不宣哉。用特將原稿付之手民。定於九月一日（關東廳始政二十週年紀念日）開始登載。以饗閱者。合行預告。以昭鄭重。又此書尚須出版。嚴禁轉載。用並布達。即維公鑒。

序

吾友金州喬君芝三德秀。著有南金鄉土志兩冊。苦心搜求。體例略具。或病其尚未詳備。似拘於一隅。而不能賅乎全境者。然金州向無志書。君獨能起而創之。拾遺補闕。采輯舊聞。需以歲時。積成卷軸。此華縷之功也。顧偉歟。余交芝三。在壬辰歲。時甫踰弱冠。君已四旬餘。正設帳省垣時也。譚藝勗德。期待甚厚。庚子後。君歸金州。充私校校長。不復遠出。乃以課餘。不自暇逸。編輯此志。以存文獻。用意甚深。至可欽佩。今歲夏間。余以政潮。避地連灣。距君家數十里。君之猶子恕傳。以君既歿。家有遺書。邀余過其家。乃檢日記若干冊。讀之。恕人責己。修身齊家。刻刻以聖賢道理為依歸。洵經明行修。可為閭里矜式者矣。是志為君心血所在。爰序而歸之。君無子。其家議以恕傳奉其祀。余力贊成。恕傳循謹好學。能繼其業。再蒐訪舊聞。補益此志。以臻完備。庶芝三之心益慰。亦余所殷殷屬望者也。

壬戌六月三十日潔珊袁金鎧識於哈爾濱東省鐵路公司董事室

南金鄉土志序

武功朝邑。二志尚已。後世罕覩焉。簡不逮也。其實地志一書。繫於地不繫於人。攷畫域辨山川。紀沿革。書戶口。蒐物產。足矣。奚事誇多鬪靡為。南金僻處邊塞。舊為箕子所封國。遂入於朝鮮。厥後隸屬無常。若高句麗。若遼。若金。若露。若日。其入中國版圖者。僅耳。且自古以來。為百戰地。東西南朔。靡有寧宇。離居蕩析。久苦播遷。文人學士。未有操筆而為志乘者。一郡之地。幾成邱墟。

芝三先生慮文獻之就湮也。徧為採訪。親編鄉土志。於形勝。歷史山河。海島尤詳。旅大則別為租借政治志。以綴於末。凡當時之戰況。市町之建設。胥一一縷記。蓋有慨乎其言之也。先生猶子心如。將以是志付印。乞為序。余維志非漫然作也。至

目錄七

於叔尤難於因。矧際此文物沈霾。兵戈倣擾之時。而又為中外雜處之地耶。

先生萃畢生之精力。苦心經營。喪馬成帙。正不知幾經易稿。而始底於此也。吁其嗟哉。或以為是志近詳而遠略。不見夫天下事鑒於古者少。鑒於今者多乎。荀子法後王可證也。離簡焉庸何傷。

民國十八年己巳秋潘復

芝三先生玉照



蒙學讀本地球歌韻序

今世變迫矣英虜劉於西法暹處於南俄包舉於北倭狡  
啟於東其商富兵強其工械器其農物土豔之職之而不  
知其本原皆由於無人不學也皆由於八歲入小學而中學  
而大學循階漸進與之先王之道合也其夢然茫然然而  
忽然滅亡者皆不學者也否則學其所學背乎先王之  
之道也中國文物四千年黃口四萬古矣眾矣頌學女  
十二不學者六即學矣而臨常龍衣故狃於閉戶自尊  
冥於環睨剖噬以者 京師清開時務科滄瀆允建達

成館各省創設儲材學堂府縣議改書院程課振興  
實學陬澁鼓舞竊以為時局繫人才而人才基童非不  
量弁陋哀輯見閩撮各國疆域政俗約舉大凡編成韻  
言四卷以為小學堂初我之助非敢云悉世變也絳漏之  
譙知所不免方闡宏達尚其匡諸

光緒廿七年辛丑仲春南皮張之洞識於武昌高等學堂  
甲辰孟夏南金希真子鈔於渤海學稼軒

鄉土志序

中華自立國以來除殘虐時代而外吾先民未有不愛其國者  
惟立愛自親始愛家必先愛身愛國必先愛鄉眷懷桑梓萬眾  
一心大同之景象迄今猶可想見所惜者世風變遷人不古若  
今或有於鄉之所可愛與鄉之所當愛以及鄉之所同愛鄉之  
所獨愛者習焉而不見憐然而不知以故瞻顧流連保持護惜  
之天真遂汨沒焉而不復發露有如華屋良田其家非易致矣  
處以驕奢之子弟往往淡以視之而不縈心又如祖創父守其  
業至難成矣傳及昏愚之子孫往往浪以擲之而不介意不知  
愛家何由愛鄉不知愛鄉何由愛國是皆失於教育之故也不  
揣固陋爰乃蒐羅古今之書史調查遠邇之見聞徵其實舉其  
要寒暑編次綱與目共列一十有九其間附之以序以撮叙其

目錄八

大略以示用意之所存非敢塵穢高明之視聽也聊備公育學  
校隨意科之教授法用以補吾鄉五千年之缺點即以濟本校  
兩等生之靈明庶幾知愛鄉即知愛國乎第學識譎陋考證未  
詳不足副其志願尚望博雅君子匡我不逮則幸甚矣  
昔大清宣統三年仲秋上旬古化成希真子識

凡例

一本書仿照盛京通志而變通之以示有所遵循雖廳異於省至其建置沿革政治風俗與夫山川人物種種情形據實記載則有大略相同者故僭擬之

一各省府廳州縣其鄉土志均有成書隨時修補不無憑藉吾鄉則體從特創古今事實均有待於稽考涉獵史乘詢訪英耆歷有年所始彙集成編惟其中訛謬掛漏尚待同志者為之更正補續

一本書為啟迪本校兒童而作立意不務堅深措詞惟期淺顯稍解文義者指授之即能通曉若武事名宦等志稍有關於吾鄉者皆抄錄之初視似泛細思非寬一使博覽一作典料也

目錄九

一他志於圖考而下每以建置沿革託始此則先以形勝非敢立異也蓋有地域而後有人事故於形勝之後即繼以歷史歷史即叙述古今之建置沿革也凡建置沿革自有政治自有風俗有政治風俗則文學武事孝義節烈耆舊名宦皆以以類聚此編次之意也

一他志城池山川每在官職戶口人物之上亦猶前言有地域而後有人事也今竊意城池乃由人為故列於政治以及名宦之下有城池即有職官祠祀有職官則戶口分焉田賦出焉山海川河皆得統理以滋生物產焉於是利源生而衣食足安居樂業吾鄉之所以可愛也至古蹟關隘半遺留於山海之間故參附之

一本書終以物產以為有物產而人始生活以上種種諸事乃得次第為之蓋重之也非輕之也何為又附以祥異誠以祥異之事古書無不鑿鑿記載示戒勉也今亦竊取其意云爾一本書末載租借政治租借者兩國交涉之新名詞也往古無之然曰租借則在我猶有主持之權在人自有歸還之義今志其政治俾資考鏡

南金鄉土志目次

南金鄉土全圖

南金鄉土形勝志

南金鄉土歷史志

政治志

風俗志

目錄十

文學志

武事志

孝義節烈合志

耆舊志

名宦志

城池志

創設職官志

祠祀志

戶口志

田賦志

山河海島志 附海岸

古蹟志

物產志  
祥異志  
鄉土租借政治志

目錄十一

南金鄉土志

貢生喬德秀芝三氏編輯

校訂胞姪喬恕傳  
調查

趙學文

韓興恩

王廷相

劉心田

周運鐸

曲作楷

南金鄉土形勝志 并序

山不在高。水不在深。地不在平。陸膏腴。而山島綿互。海宇迴環。奇特險要之勢。內足以衛燕京。外足以捍東省。非惟地靈誠天險也。擬其形似。以為生斯土者幸。并為生斯土者危。

金郡居遼東半島之西南。與山東半島相對。南濱黃海。北界復州。莊河環其東。渤海繞其西。土股伸入黃渤二海之中間。徑長三百餘里。後寬前銳。其形微似腹大頸長之匏。以莊復交界處為蒂。蒂圓而平。以鐵山伸嘴處為柄。柄曲而尖。以南關嶺南北距海處為腰。腰細而短。以兩岸之山島擁迴環抱。為蔓為葉。蔓與葉近而密。遠而長。氣聚地靈。勢成天險。海峽通天津。兩灣合成北洋之鎖鑰。山脈祖長白。半島峙為東省之藩屏。港澳森嚴。天造旅順。路程迢遞。地屬陪都。順天咽喉之地。奉天要害之區也。

南金鄉土歷史志 并序

山海終古不移。而郡國州縣。歷代之沿革建置。有如寒暑之往來推移。無一時之或息。以吾鄉地屬邊塞。俯仰古今。忽而封建。忽而戰爭。忽而攘奪。佔踞。主於中華者半。棄於外夷者半。總稽五千餘年之歷史。生於斯。長於斯。聚族於斯者。不識幾閱變遷。幾被挫折。亦幾經煨燼矣。觸目驚心。莫堪言狀。今為歷歷數之。有心人當為之黯然。當更為之惕然也。

金郡北隸奉天。距省城七百二十里。南至登州府。海路一百九十里。故上古唐屬青州。虞屬營州。分州後又屬青州。周封箕子。遂入於朝鮮。為辰韓地。秦同。漢初。燕人衛滿奪朝鮮。武帝滅衛滿。之孫右渠。以其地置郡。屬元菟。晉初因之。後屬高句麗。扶餘 別支 隋同

唐平高麗初置金州統之。後入渤海。唐封大氏屬杉盧郡。今熊岳五代時入

遼。遼改復州化成縣。金改蘇州安復軍。領米蘇懷化二縣。後改

金州。元初屬蓋州路。後併入遼陽路。明洪武四年改金州衛。領

中左千戶所。本朝初隸海城縣。康熙三年改隸蓋平縣。二十

年增設城守章京。雍正五年設金州巡檢。屬復州通判。十二年

改置寧海縣。隸奉天府。道光二十三年為海防喫緊。移熊岳副

都統駐防於茲。因升縣為廳。設同知治之。至光緒六年裁撤旅

順水師。修為北洋軍港。七年撥毅軍駐防。甲午。年清日啟釁。被

日人佔領。二十一年講和。將金郡棄與日本。俄人阻之。因又退

歸。復撥毅軍駐防。明年又租借與俄人。約期二十五年。俄人即

此地創修鐵路。名青泥窪海口為大連灣。開山填海以作通商

口岸。至二十九年日人與爭。至三十年俄人戰敗。退讓日本。又

二

續約租借。東至貔島。西至渤海南至旅順口。北至普蘭店。原與  
俄約。祇租海口。劃界時祇存金州一城。

政治并序

往古治化其詳不可得聞。秦漢半歸雜霸。遼金亦異文明。元

以行省撫之。明以衛所鎮之。惟本朝龍興盛京。吾鄉沾豐

沛。南陽之澤。多方顧恤。雅意拊循。至今慨想仁恩。猶有令人

刻骨弗忘者。於戲。至矣哉。登三邁五。非筆墨所能形容也。

秦漢以來。遼境屬郡國府治。又間夷於高麗。故中外措理。隨時

變遷。分而觀之。東漢建武間。以祭彤為遼東太守。魏青龍初。以

毋邱儉為度遼將軍。遼太平九年置都統。蕭孝穆又置東京統軍使。

耶使金崇慶元年置遼宣撫副使。伊刺元置行省平章政事。王伯明設

五衛。置都指揮使僉事都司事。巡按巡撫等官。吾鄉為郡府屬。

邑兼據要害之區。文治武衛視他州縣尤為注意。國初金郡戶無舊籍。丁鮮原額。因即明之衛為御林衛。旅順口設巡檢一員。

自廣寧古義州康熙設城守巡檢移來順治十年招民開墾。十八年田賦升科。設巡檢一

員。隸海城縣。康熙三年改隸蓋平縣。田賦收納二十年編民入旗。增設

防守尉原城守尉一員。佐領二員。防禦一員。驍騎校二員。駐防金城鎮

守要害。三十一年復設巴爾虎旗。佐領一員。其後各員微有增

減。詳官職三十二年丈量旗荒。五十三年編金西民戶入漢軍三旗。

五十四年重修金州城。又增設旅順水師營。營中協領一員。佐

領二員。防禦四員。驍騎校八員。筆帖式二員。後增正額委官二

員。戰船十隻。巡哨各島。咸豐六年添設艇船四隻。以便緝捕海

寇。旅金旗屬均歸熊岳副都統管轄。雍正五年丈量旗荒。復設

金州司管糧巡檢。轄於復州。理民糧捕海防通判。十二年改金

州為寧海縣。升巡檢為知縣一員。訓導一員。典史一員。乾隆十

八年丈量旗屬熟荒內抽兵等隨缺餘租。道光二十三年移熊

岳副都統駐防金州。改城守尉為協領。共原設二員。三旗巴爾

虎佐領共四員。八旗防禦八員。驍騎校十五員。筆帖式三員。升

寧海縣為金州廳。知縣為海防同知。典史為巡檢。旗屬各族族

長一名。各村村首一名。民署戶禮兵刑工五科。外各社鄉約一

名。保正一名。旗民衙署政治。原分屬奉天將軍府尹。現屬奉天

總督管轄。

風俗并序

風俗可以移易乎。曰可。上有稗政。則風俗澆漓。上有郅治。則

風俗醇良。吾鄉界居中外。秦漢以後。夷於高麗。入於遼金。其

間法制禁令。不能不勉為奉行。而中華之流風遺俗。或有不